

Athikele 18323

Karolo: Athikele ya Patlisiso

Go lwela boswa jo bo tumileng: Dingwaga di le lekgolo tsa go akanya ka Raymond Dart le logata lwa kwa Taung

Tshobokanyo:

Ka 1925, Raymond Dart o ne a phasalatsa tlhaloso ya gagwe ya logata lwa ngwana wa kwa Taung, e a neng a e bitsa *Australopithecus africanus*, ka go dira jalo, o ne a thusa fela thata ka dintlha tsa botlhokwa mo kgannyeng ya boithuta-marope le boithuta-masaledi a setho. Le fa tokomane eno e amogela gore Dart o nnile le seabe se se botlhokwa thata mo kgannyeng eno, e tlhabolola bokwadi jwa hisitori jo bo dikarolo-pedi jwa boswa jwa ga Dart. Sa ntlha, tokomane eno e tlhalosa ka fa e rileng fa nako e ntse e tsamaya, go lotlega ga ga Dart kgang ya masaledi a kwa Taung go neng ga hupetsa seabe sa moithutafatshe ka gone e leng Robert Young mme ga tlotlomatsa magatwe a motho a le mongwe fela, masaledi a mofuta o le mongwe fela wa setshedi, mo boemong jwa go tlotlomatsa boammaaruri jwa gore maiteko otlhe a bontsha tiro ya setlhopha. Morago ga moo tokomane eno e simolola go bua ka tumelo ya ga Dart ya gore ditshedi di farologana ka mofuta, le go bua ka ditlwaello tse di sa siamang tsa setho tse go dirwang patlisiso ka tsone. Ditumelo le ditlwaello tseno di ne di sa belaelwe ka gope ka nako ya motlha wa kgethololo ka lotso le wa apareteiti, mme di tlogetse batho ba le mo manokonokong a amanang le popego ya mmele wa bone, boithuta-marope le boithuta-masaledi a setho. Boswa jo Dart a re tlogeletseng jone bo ne jwa tlotlomadiwa ka nako ya fa a santse a tshela mme bo ne jwa tswelela go sirelediwa ke mongwe yo a neng a tlhabiwa botlhale ke Dart yo gape a leng motlhatlhami wa gagwe e leng Phillip Tobias dingwaga tse dingwe gape di le someamabedi le botlhano fa Dart a sena go tlhokafala. Le fa go ntse jalo, go akanyetsa boswa jwa ga Dart ka kelotlhoko jwa bonetetshi jwa go kgaoganya batho ka ditso tsa bone go simolotse ka dingwaga tsa bo1990 le tsa bo2000 mme go tswelitse pele le gompiano. Tsela e e botlhokwa e Dart a thusitseng ka dintlha tsa botlhokwa mo kgannyeng eno ya boithuta-masaledi a setho, tlhaloso ya logata lwa kwa Taung, e tswelela pele go bipa dikarolo tse dingwe tse di sa rategeng tsa boswa jwa gagwe. Tokomane eno e tla tlhabolola mokwalo wa bokanoki o o ka ga mokgele otlhe ka kakaretso wa ga Dart, e tla netefatsa boswa jono jwa bonetetshi jwa go kgaoganya batho ka ditso tsa bone, le go ntsha mabaka a a bontshang gore e tshegetsatsa boswa jwa gagwe jo bo tumileng jwa go bo a tlhalositse logata lwa kwa Taung.

Botlhokwa jwa tshobokanyo eno:

- Kgang eno ya logata lwa kwa Taung e bontsha gore boithuta-marop le boithuta masaledi a setho ke tiro e e kopanetsweng ke setlhopha, e gopotsa botlhe go batla le go kwala maina a setlhopha sa batho ba ba nnileng le seabe mo go batleng masaledi ano, mo boemong jwa go naya motho a le mongwe fela tlotla.
- Ditokomane tsa ga Raymond Dart le dikgatiso tsa ga Dart kwa Wits University di tlamela ka bosupi jwa gore Dart o buelela gore ditshedi di farologana ka mofuta le gore go na le bonetetshi jwa go kgaoganya batho ka ditso tsa bone.
- Le fa dintlha tsa botlhokwa tse Raymond Dart a thusitseng ka tsone di tlhalosa logata lwa kwa Taung di sireletsegile, boswa jwa jwa gagwe bo tshwanetse go tlhatlhabiwa gape.

Mafoko a konokono: Raymond Dart, Logata lwa kwa Taung, boithuta-marope le boithuta masaledi a setho, ditshedi di farologana ka mofuta, bonetetshi jwa go kgaoganya batho ka ditso tsa bone